

COMUN: Incò domènia ai 04 de merz él da jí a lité dales 7.00 - 23.00. Tolesse cun os la cherta da lité. Sc'i ne la ciafëis nia, podëise passé te Comun a sé tó n duplicat Udiënza dla defensuria zivica en vëndres, ai 9 de merz, dales 14.30 – 16.00, a San Martin tla ciasa de comun. Informaziun y prenotaziun 0471 301 155.

PLOANIES DA SAN MARTIN Y LUNGIARÜ

Le Consëi de Cöra da La Val inviëia al referat de siur Sepl Granruaz: "Por ci él pa sté la jënt che á mazé sôla crusc nosc Signur?" en dedolönesc, ai 6 de merz, dales 20.00, tl Salf dles Manifestaziuns a La Val.

Düc é dër bel inviá a n referat de Carsëma cun discusciun cun le prof. siur Ulrich Fistill "Canch'i jinëis, no fajede na burta müsa - Jiné sciöche stil de vita cristian" en dedemesaledema, 07 de merz, dales 20.00. tl salf di stödafüch a San Martin.

Le KVV inviëia ala 50^a incuntada di vëdui, vëdues y porsones sores en domènia, ai 18 de merz dales 09.30 a Porsenü tl'Academia Cusanus: Mëssa solëna cun le Vësko y siur Josef Stricker; dedò referat dl Vësko: "Co podunse pa dé inant la fede te nostes families?" Prëibel prenotësse cina ai 14 de merz pro osta surastanta dl KVV. Le iade é debann, la marëna costa 17 €. Le bus passa ia Piculin dales 7.40.

La Uniun dles Ères Catoliches dl Decanat Val Badia inviëia i geniturs che á n viadú da batié, pers che aspeta, toc y totes ala preparaziun dl bato en sabeda ai 10/03 dales 15.00 - 17.00 tla Ciasa J.B. Runcher a Badia. Prenotaziuns 0471 849 372.

En gaujiun dl 10. aniversar dala mort de Chiara Lubich, inviëia le Movimënt di Focolars a n dé de spiritualité, en domènia, ai 11 de merz, tla ciasa "Voitsberg" a Vahrn. Al mët man dales 9.45 y se röia cun na mëssa dales 15.30. Infos pro Resi y Giovanni Craffonara 0474 501 202 o fam@craffonara.eu. Chi che á de pici mituns, dess s'anunzié cina ai 8 de merz, por ch'al pois gní organisé damí le program.

Le K.V.W. dla Val Badia lascia al savëi che al é ciamó posc lëdi por le bel iade / peregrinaje a Bled tla Slovenia dai 14 ai 17 de má. (publiché tla plata n. 11. Por informaziuns y prenotaziuns 0474 523 133 (Hilda) o 0471-839772 (Iaco).

SAN MARTIN

Ince por l'ann 2018 Ves periunse indò dër bel da paié ite cina ala fin de merz le contribut por la cöra de 40,00 € por vigni porsona che á complì 18 agn (tuc fora studënc y studëntes) söl cunt dla cöra: IBAN IT 11 J 08010 58830 000304004922. Tl'injunta a chësta plata ciafëise le decunt dl ann 2017. - - - - -

Les Uniuns di Seniors dl Comun da San Martin inviëia a n batadú cun de bi pesé en sabeda, 10 de merz, dales 14.00, tl salf tödafüch a San Martin; da paié ite él 20 € cun na picia marëna. Al vëgn trat fora les copies! Prenotesse cina ai 8 de merz pro Loise Kircher 329 13 98 721 o Alfred Ploner 333 36 54 786. Sorvisc de transport da Antermëia jö dales 13.30 dan calonia. Gnide düc, i se dun na bela godüda!

Les iscriziuns ala Scora de musiga por l'ann de scora 2018/2019 vëgn tutes sò tratan döt le mëis de merz. I formulars ciafon tl secretariat dla Scora de musiga a La lla o te internet (sot a www.musikschule.it). Por informaziuns 0471 847 748.

La Uniun dl Sport Diletantistich da San Martin organisëia n curs de Quantic Joga cun Natalie Dalponte, che mët man en dedemesaledema, ai 14 de merz, pur 5 iadi. Le curs vëgn tigní tres de dedemesaledema dales 20.30 inant tla palestra da San Martin. Infos y prenotaziuns le pröm de te palestra o por telefon 348 51 98 620.



www.unitepastorala.org

Plata dles Ploanies San Martin y Lungiarü

siur Iaco Ploner 333 48 32 765 - ploner.jakob@aruba.it
redaziun: anton.gasser@rolmail.net - 348 27 44 517 / 0474 523 194

04.03.18 – 11.03.18 nr. 14

termo da publiché: jöbia 20.00
radio: 90,40 / 93,70

3^a DOMÈNIA DE CARSÈMA - ANN B

Vangele: Jan 2,13-25

La festa de Pasca di iüdes ê daimprò, y Gejù é jü sò Ierùsalem.

Tl tëmpl àl urté i sciacri de armënc, bisces y colombes y i ingiamiadus de scioldi, che ê sentà dailò.

Do ch'al â fat na scoriada de cordes

i àl parè düc fora dl tëmpl

adöm cun les bisces y i armënc;

i scioldi di ingiamiadus àl juté fora,

y sües mëses àl rosedè sotissura.

Ai sciacri dales colombes ti àl dit:

Jide demez cun chësc patüc,

ne stede a fà fora dla ciasa de mi Pere n salf da marcé.

Sü discepu se recordà dla parora dla Scritöra:

La pasciun por mia ciasa me consumëia.



Gejù vëgn tres indò capí damat, nes cunta le vangelist San Jan.

Tres indò él i sentimënc, i pinsiers y i baiá dla jënt che vá dlungia Gejù ia.

Püch denanco rové a Ierusalem se desmostra Gejù pro la noza de Cana sciöche chël che ti dá ligrëza ala jënt, mudan ega te vin.

Tl tëmpl a Ierusalem se dessënel cun i sciacri y i ingiamiadus y i para fora.

I stun tacá ales cosses che toma tl edl, y iudicun so comportamënt zënza sté a se damané do la gauja, la motivaziun y l'intenziun.

Pro la noza de Cana ne n'ân bëgn apëna capí la novité dla noela dla ligrëza che Gejù orò ti fá sintí ai ghesé cun la mudaziun dl'ega te vin.

Y gnanca i sciacri n'ará dër capí ciodiche Gejù i pará fora dl tëmpl?

Tan nes stál pa a cör da capí ci che Gejù minâ cun le vin pro la noza de Cana, sëgn dla ligrëza y dl entusiasme che dô brancé la jënt por süa noela?

Tan nes stál pa a cör da capí coche Gejù s'imaginâ l'adoraziun de Dì tl tëmpl.

Tan porvunse pa nos da capí y da tó sò l'invit da s'abiné incër la mësa de Gejù, da se fá pormez, da tigní past impara y da formé comunité?

	SAN MARTIN	LUNGIARÜ	 Le comerz cun jënt á deplü aspec: laur sforzé, prostituziun, comerz cun organs: Les vitimes é scialdi ères y mituns. Aladô dles inrescides dles organisaziuns internazionali por le laur por la migraziun él vigni ann passa 40 miliuns de porones che toma tla brancia de chësc comerz y dla sclavitú moderna. Y impó vëgnel dit y fat püch decuntra ince sc'al é diventé un di malfac organisá che porta le maiú davagn. Le comerz cun jënt é na catastrofa globala che sciafia ma da gní scombatüda cun la cooperaziun di stac y de organisaziuns internazionali. Sön chësc front tol ite la Dlijia na posiziun importante. Al papa Francësch ti stá chësta plaia dl'umanité dër a cör. Tres les misciuns ti stac plü atocá dl'Africa y dl'Asia á la Dlijia la poscibilité da lauré diretamënter söl post cuntra chësc picé. Un de nos ne sciafia nia da derzé fora gran tröp cuntra le comerz cun jënt, mo vignun pó gni sensibilisé por chësc tema, perié por les vitimes y sostigné les scomenciadies y les organisaziuns che se mët decuntra.
04.03.18 3ª DOMËNIA DE CARSËMA - B	9.00 Les Staziuns 9.30 Gran Mëssa por la comunité <i>Oferta por ACLI-KVW</i>	7.55 Les Staziuns ciantades dal cor 8.15 Gran Mëssa por la comunité <i>Oferta por ACLI-KVW</i>	
siur Ploan é demez dai 5 ai 9 de merz			
05.03.18 Lönesc <i>Oliva, Dietmar</i>		17.00 Les Staziuns	
06.03.18 Dedolönesc <i>Fridolin, Coleta</i>	19.30 Funziun de Carsëma		
07.03.18 Dedemesaledema <i>Perpetua y Felizita</i>	18.00 Les Staziuns 20.00 Referat de siur Ulrich Fistill tl salf di stödafüch <i>düc é bel invιά!</i>	7.30 Zelebrazion dla Parora 20.00 Referat de siur Ulrich Fistill tl salf di stödafüch a San Martin <i>düc é bel invιά!</i>	
08.03.18 Jöbia <i>Jan de Dî, Michil</i>	7.30 Funziun de Carsëma Corona por vocaziuns		
09.03.18 Vëndres <i>Bruno, Franzisca, Domenico Savio</i>	18.30 Adoraziun chîta 19.00 Adoraziun deboriada	7.30 Zelebrazion dla Parora	
10.03.18 Sabeda <i>Gustav, Maria Eugenia</i>	15.30 Mëssa tla Ciasa de Palsa 18.30 Mëssa prefestia 3ª de sopolt. de Maria Tavella Vanzi dl ann + Giovanni Ferdigg, Ju + Notburga Gasser Pedevilla (dl ann)	20.00 Mëssa prefestia fam. Manfred y Silvia Chiusura + + Iarone y Erwin Rungger dl ann + Magdalena Flatscher	
11.03.18 4ª DOMËNIA DE CARSËMA – B “Laetare”	9.00 Les Staziuns 9.30 Gran Mëssa por la comunité 3ª de sopolt. de Lena Costabiei Moling <i>Oferta por le Kassianswerk</i>	7.55 Les Staziuns y Confesciuns 8.15 Gran Mëssa por la comunité <i>Oferta por le Kassianswerk</i> dedô Istruziun di Omi cun siur Sepl Granruaz	